




Eich cyf/Your ref ER  
Ein cyf/Our ref TO/MD/02614/13

Eirian Roberts  
Swyddfa'r Cyngor  
Caernarfon  
Gwynedd  
LL55 1SH  
maireirianroberts@gwynedd.gov.uk



22 October 2013

Annwyl Eirian Roberts

Diolch am eich llythyr dyddiedig 2 Hydref at Mark Drakeford AC, y Gweinidog Iechyd a Gwasanaethau Cymdeithasol, yn nodi cefnogaeth Cyngor Gwynedd am y syniad o gael Prifysgol Feddygol yng Ngogledd Cymru. Gofynnwyd i mi ymateb.

Mae yna eisoes gysylltiadau cryf rhwng y Prifysgolion a'r Bwrdd Iechyd yng Ngogledd Cymru.

Mae Ysgol Glinigol Gogledd Cymru yn cynnwys staff academiaidd o Brifysgolion Bangor a Glyndŵr. Mae sefydlu'r ysgol wedi cynyddu'r nifer o leoedd clinigol ar gyfer myfyrwyr yng Ngogledd Cymru. A'r gobaith yw y bydd hynny'n gwella'r gallu i recriwtio meddygon iau ar hyd a lled y rhanbarth.

Gwyddom fod nifer o fyfyrwyr meddygol yn parhau â'u gyrfaeodd yn yr ardal lle cawsant eu hyfforddi. Trwy'r ymgyrch Gweithio i Gymru, byddwn yn parhau i hyrwyddo manteision byw a gweithio yng Nghymru. Mae'n amlwg bod angen gwneud newidiadau radical ac ar frys i'r gwasanaeth iechyd yng Nghymru. Un o fanteision niferus yr ad-drefnu yw y bydd arbenigwyr mewn meysydd penodol yn dod at ei gilydd mewn canolfannau rhagoriaeth. Bydd hynny'n cynnig y cyfle i gael hyfforddiant gwell, yn ogystal â chael gofal o ansawdd well.

Rydym wedi sefydlu Bwrdd Cyngori Academaidd Meddygol a Deintyddol Cymru, sy'n cael ei gadeirio gan y Farwnes Ilori Finlay o Landaf. Nod y Bwrdd yw edrych ar ddyfodol addysg feddygol a deintyddol yng Nghymru, er mwyn sicrhau bod darparwyr yn cydweithredu i ddarparu addysg a hyfforddiant o ansawdd uchel, gan gynnwys gweithlu cynaliadwy ar gyfer y GIG yng Nghymru. Mae'r Bwrdd wedi bod yn ystyried yn ddiweddar y mater o gael



addysg feddygol yng Ngogledd Cymru. Bydd canlyniad y trafodaethau hynny'n cael ei gyflwyno i'r Gweinidog Iechyd a Gwasanaethau Cymdeithasol yn ystod yr wythnosau nesaf.

Yr eiddoch yn gywir



**Clive Nurton**

**Tim Busnes y Llywodraeth**